



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU SNAGE EKONOMSKOG POKRETA U BOSNI I HERCEGOVINI

## SADRŽAJ

MIŠLJENJE.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	7

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Snage ekonomskog pokreta u Bosni i Hercegovini za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2013. godinu, utvrđeno je da je Snaga ekonomskog pokreta u Bosni i Hercegovini prekršila odredbe člana 11. i člana 12. stav (1) i stav (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Snage ekonomskog pokreta u Bosni i Hercegovini za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Snaga ekonomskog pokreta u Bosni i Hercegovini se finansirala iz sljedećih izvora:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u uk. prih. %</b>
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	2.543,00	100,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
<b>I</b>	<b>Ukupni prihodi</b>	<b>2.543,00</b>	<b>100,00%</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00%</b>
<b>Izvori finansiranja (I+II)</b>		<b>2.543,00</b>	<b>100,00%</b>

U godišnjem finansijskom izvještaju stranka je iskazala ukupne rashode u iznosu od 1.300,80 KM.

## 2. PREDSTAVLJANJE POLITIČKE STRANKE

Naziv političke stranke: Snaga ekonomskog pokreta u Bosni i Hercegovini. Skraćeni naziv je SEP u BiH.

Politička stranka pod nazivom Novi ekonomski pokret u BiH je registrovana 09.03.2010. godine u Općinskom sudu Tuzla i u sudski registar upisana pod brojem: 032-0-Reg-10-000231, sa sjedištem u Tuzli, Ulica Bosne Srebrene bb ( ulaz A tribina, Sportski centar Mejdan).

Rješenjem Općinskog suda u Sarajevu, broj: 065-0-F1-11-000009 od 26.04.2012. godine, promijenjen je naziv političke stranke, sjedište i adresa stranke i imenovano je novo lice za njeno zastupanje i predstavljanje. Stranka je upisana pod novim nazivom, Snaga ekonomskog pokreta u Bosni i Hercegovini, sa sjedištem u Sarajevu, ulica Čekaluša broj 1.

Lice ovlašteno za zastupanje i predstavljanje političke stranke je Fadil Čerimagić.

Lice ovlašteno za podnošenje finansijskih izvještaja za 2013. godinu je Fadil Čerimagić.

Prema podacima iz godišnjeg finansijskog izvještaja za 2013. godinu, Snaga ekonomskog pokreta u Bosni i Hercegovini nema niže nivoe organizovanja.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Snage ekonomskog pokreta u Bosni i Hercegovini za 2013. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Snage ekonomskog pokreta u Bosni i Hercegovini obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### **4. PRETHODNE KONTROLE I REVIZIJE**

Izvršen je pregled godišnjeg finansijskog izvještaja Novog ekonomskog pokreta u Bosni i Hercegovini za 2010. godinu, kao i pregled godišnjeg finansijskog izvještaja Snage ekonomskog pokreta u Bosni i Hercegovini za 2011. godinu.

Snaga ekonomskog pokreta u Bosni i Hercegovini nije dostavila godišnji finansijski izvještaj za 2012. godinu.

### **5. NALAZI I PREPORUKE**

#### **5.1. NALAZI**

**Na osnovu obavljenog pregleda, utvrđeno je da je Snaga ekonomskog pokreta u Bosni i Hercegovini prekršila odredbe člana 11. i člana 12. stav (1) i stav (3) Zakona o finansiranju političkih stranaka.**

Na osnovu finansijskog izvještaja i finansijske dokumentacije koju je na zahtjev Centralne izborne komisije Bosne i Hercegovine dostavila politička stranka, utvrđeno je da ista nije vodila poslovne knjige u skladu sa računovodstvenim propisima, nije uspostavila potpune evidencije o svojim prihodima i rashodima i godišnji finansijski izvještaj nije podnijela na način kako je propisala Centralna izborna komisija Bosne i Hercegovine, čime je prekršila odredbe člana 11. i član 12. stav (1) i stav (3) ovog Zakona o finansiranju političkih stranaka.

(1) Pregledom je utvrđeno da Snaga ekonomskog pokreta u Bosni i Hercegovini nije u obrascu 3-f (Prihodi iz budžeta) iskazala podatke o prihodima iz budžeta, čime je prekršila odredbe člana 19. i člana 13. Pravilnika o godišnjim finansijskim izvještajima političkih stranaka- u daljem tekstu: Pravilnik.

Uvidom u dokumentaciju utvrđeno je da stranka u obrascu 3-f godišnjeg finansijskog izvještaja kao i u poslovnim knjigama nije evidentirala prihode iz budžeta Općine Gradačac u iznosu od 2.400,00 KM.

Na osnovu podataka koje je dostavila Općina Gradačac<sup>1</sup> utvrđeno je da je ova općina tokom 2013. godine stranci uplatila sredstva u ukupnom iznosu od 2.400,00 KM.

Takođe je utvrđeno da je Snaga ekonomskog pokreta u Bosni i Hercegovini u poslovnim knjigama i u obrascu 3-f finansijskog izvještaja povrat sredstava po osnovu takse za ovjeru političke stranke na Lokalnim izborima 2012. godine u iznosu od 1.800,00 KM<sup>2</sup> iskazala kao prihode iz budžeta, što je suprotno odredbama člana 19. i člana 13. Pravilnika.

- (2) Politička stranka je u finansijskom izvještaju, koji je podnijela Centralnoj izbornoj komisiji BiH, na obrascu 1 - *Opći podaci o političkoj stranci*, navela da ima organizacione dijelove nižeg nivoa. Međutim, Snaga ekonomskog pokreta u Bosni i Hercegovini u obrascu 1-1 *Teritorijalna struktura političke stranke* nije navela nazive i adrese svojih organizacionih dijelova u Kalesiji i Gradačcu,<sup>3</sup> čime je prekršila odredbu člana 10. Pravilnika.
- (3) Služba za reviziju je utvrdila da Snaga ekonomskog pokreta u Bosni i Hercegovini nije u obrascu 2 (pregled prometa svih transakcijskih računa političke stranke) godišnjeg finansijskog izvještaja iskazala transakcioni račun Općinskog odbora Gradačac broj: 1321902012122567 otvoren kod NLB banke, na koji su izvršene uplate sredstava iz budžeta Općine Gradačac u iznosu od 2.400,00 KM, čime je prekršila odredbe člana 11. Pravilnika.
- (4) Pregledom dodatne finansijske dokumentacije, utvrđeno je da je stranka sklopila Ugovor o iznajmljivanju poslovnih prostorija sa pravnim licem dana 20.09.2011. godine, bez naknade.<sup>4</sup> Uvidom u obrazac 3-e (nenovčane donacije i računi koje politička organizacija nije imala obavezu platiti), utvrđeno je da stranka nije iskazala nenovčanu donaciju na ime besplatnog korištenja poslovnog prostora, čime je stranka postupila suprotno odredbama člana 18. Pravilnika.
- (5) Na obrascu 4 (ukupni rashodi političke stranke) i 4-1 (režijsko-administrativni i ostali troškovi) finansijskog izvještaja nisu iskazani podaci o troškovima, kao ni troškovi zakupa, čime je stranka postupila suprotno odredbama člana 21. i člana 22. Pravilnika.
- (6) Kontrolom je utvrđeno da Obrazac 5 (obaveze političke stranke) nije popunjen u skladu sa odredbama člana 24. stav (2) Pravilnika. Naime, stranka je u Obrascu 5 iskazala obaveze zbirno u iznosu od 2.462,00 KM, dok je iste trebalo navesti analitički prema vrsti obaveze ili nazivu dobavljača.

---

<sup>1</sup> Akt Općine Gradačac broj: 07/2-14-617/14 od 10.11.2014.godine.

<sup>2</sup> Izvod broj 5 sa transakcijskog računa broj: 1321002008639730 NLB Banke.

<sup>3</sup> Na obrascu 1. Finansijskog izvještaja (opći podaci o političkoj stranci) zaokružen je odgovor da stranka ima niže nivoe organizovanja, ali nisu isti navedeni u obrascu 1.1. Kontrolom i pregledom finansijskog izvještaja obrazac 3-f (Prihodi iz budžeta) i na osnovu akta općine Gradačac br. 07/2-14-617/14 od 10.11.2014. godine, utvrđene su uplate sredstava budžeta općina Kalesija i Gradačac.

<sup>4</sup> Ugovor o iznajmljivanju poslovnih prostorija između Visa Broker osiguranje doo Sarajevo i političke stranke Snaga ekonomskog pokreta u BiH, sklopljen dana 20.09.2011.godine.

## 5.2. PREPORUKE

*Preporučuje se političkoj stranci Snaga ekonomskog pokreta u Bosni i Hercegovini da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi poslovne knjige u skladu sa Zakonom o računovodstvu i reviziji Federacije BiH, odnosno da vodi potpune i tačne evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

## KOMENTAR

U ostavljenom roku, Snaga ekonomskog pokreta u Bosni i Hercegovini nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2013. godinu.

Šef Odsjeka za revizijske poslove  
Sanja Tošović

Revizor  
Nevenko Andan

Šef Službe za reviziju  
mr.sc Hasida Gušić